



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

### **Militarivm Ordinvm Origines, Statvta, Symbola, Et Insignia, Iconibus, additis genuinis**

**Mennens, Frans**

**Maceratae, 1623**

Ordo Eqvitvm Cypri.

**urn:nbn:de:hbz:466:1-10718**



ORDO EQVITVM CYPRI.



**L**usitanum nobile iuxta, ac po-  
tens in Gallia oppidum fabu-  
lisque Melusina à poetis Gallis  
decanata notissimum; illustrissimæ  
genti (quæ tot Reges, ac Principes  
orbi Christiano Hierosolymis scilicet  
Armenie, ac Cypro denique pro-  
tulit) nomen dedit, vt prodit in Hi-  
storijis Tacit. Aug. Thuanus. Huius fa-  
milie auspicijs (à quo Principe, aut  
tempore nondum comperi) initium  
darum, tradunt nobilissimæ militie,  
seu sodalitis Equestris Cypri nomine  
nuncupato. Fuitque ei pro insigni

collare, seu baltheus Equestris, aureis  
litteris maiusculis S. exornatus, in-  
tercurrentibus lacinijs aureis, quibus  
inferne appendebat gladius, lamina  
argentea, capuloque aureo insigni-  
tus, & in gyrum circumplexum,  
symbolum Gallicum, Pour loy autè  
maintenir; ac si conditor illius in-  
nuere velle, Pro fide seruanda nullum  
inter commilitones generosi animi  
officium prætermittendum esse; adeo-  
que gladio vindicandum. Per litte-  
ram autem S. quæ silentij apud Ro-  
manos nota fuit, secretum societa-  
tis

Torquis  
Equitum  
Cypri.



tis & amicitia simulachrum, indiuiduamque pro patria defensione Societatem denotari. Talis autem baltheo exornata visuntur gentilia Lusitanorum arma, quae quadripartita regni Hierosolymitani, Cypri, Armeniae, & Lusigniana familiae insignibus interstincta esse alibi docuimus. Vide Stephanum Lusignianum, qui 67. familiarum est stirpe Lusigniana descendendum, genealogiam concinnauit.

Insignia  
Lusignianorum.

### ORDO MILITARIS Columbae & Rationis apud Castellanos.

Annos supputandi  
mos.

a 1358.  
b 1485.

Ordo Equitum  
Columbae & Col-  
laris.

Ordo mi-  
rum Ratio-  
nis.

IOannes I. Castellae Rex, quo auctore apud Hispanos supputandi ratio, (eam quam *Eram Domini*, aut *Eram Caesaris* ab Octauiani Augusti aetate, tum in historia, actionum, formulis, atque praeceptis conuentuum ecclesiasticorum actis, tum priuatum in sermone familiari dicere consueuerunt) Anno salutis 1383. antiquata est, atque ad Christi ortum reuocata, quod paulo ante fecerant a Valentini. Non multo post imitati sunt b Lusitani exemplo aliarum prouinciarum, uti Iustiniani Imp. aetate, Dionysius Abbas Romanus, sublati alijs supputandi rationibus excogitasse primus atque inuexisse in Remp. Christianam memoratur. Is, inquam, Ioannes paulo ante vitae finem anno 1390. Insigne equestre excogitauit, Columbae effigiem ex aureo torquet radijs solaribus distincto, pendentem, nobilibus, aulicisque proceribus ad praecelara facinora Henrici II. aui exemplo, honoris specie obiecta, incitamentum. Cuius generis plura collaria Segobiae ipso D. Iacobus festo die, in urbis templo maiori solenni ritu ex altari arripiens, inter Equites distribuit simul & librum constitutionum, quibus singuli adstrati essent, exhibuit.

Insuper & aliud honoris insigne, cui *Rationis* nomen dedit, armigeris

& minoris notae nobilibus, qui in hastiludijs, alijsque bellicis exercitijs strenue sese gessissent, certa hinc gloriae reportandae ex re fortiter gesta, hinc beneuolentiae, gratiae ac munificentiae a Principe consequendae spe, promerendum proposuerat. Verum morte eius intempestua, quae in eundem annum incidit, ut Ioannes Mariana lib. 18. cap. 13. & Hier. Romanus lib. 7. de Rep. tradunt, res priusquam stabiliretur, euanuit.

### MILITIA ORDINIS Draconici in Germania & Hungaria, Tusni in Bohe- mia, Disciplinaryum in Au- stria.

Post Carolum Magnum, qui imperium occidentale maxima nominis Christiani gloria restaurauit, & in Regum Franciae familia primo fundatum, ad Germanos, atque ad Saxones, quod a Regibus Francorum originem ducerent, transtulit. id rursus Lucoburgij summa virtute Principes, per domesticas calamitates debilitatum, erexerunt pristinaeque maiestatis reddiderunt: Henricus nempe VII. & eius nepos Carolus IV. aureae bullae conditor, Carolique filij Vuenceslaus & Sigism. qui omnes magni nominis Imperatores sceptro potiti. Quorum posterior Sigism. adeo studiosus fuisse legitur magnitudinis Christianae, ut non solum plusquam vicies collaris signis cum barbaris pugnauerit gloriosissimosque de hoste triumphos reportarit, sed & zelo & hortatu eius duo oecumenica consilia vnum Constantiae, alterum Basileae, extirpando schismati & heresi valide orbem Christianum praesertim Hungariam & Bohemiam concutienti, celebrata sint. Itaque ut Christiana sacra contra infideles commodius tueretur, ac propagaret, erexit ordinem militum Draconicorum, quos insigni Draconis deuicti & praecipitati decorauit, testandae extirpationi

Insignia  
Equitum  
Draconicorum.